

Visoki predstavnik Valentin Inzko izrazio potporu summitu BiH, Srbije i Turske



Visoki predstavnik Valentin Inzko sastao se danas u Sarajevu s ministrom vanjskih poslova Turske Ahmetom Davutoğluom.

Visoki predstavnik se zahvalio ministru Davutoğluu na snažnoj posvećenosti Turske kada su u pitanju stabilnost i razvoj Bosne i Hercegovine, kao i na njegovom osobnom doprinosu. S tim u svezi, Inzko je iskazao snažnu potporu predstojećem trilateralnom summitu. „Turska je preuzela neprocjenjivu ulogu u promoviranju pozitivnih odnosa u regiji,“ kazao je visoki predstavnik.

Visoki predstavnik Inzko izvijestio je ministra Davutoğlua o trenutačnoj političkoj situaciji u Bosni i Hercegovini, uključivši i aktualnu političku krizu u Federaciji BiH, kao i osporavanja Daytonskog mirovnog sporazuma i vladavine prava.